

ქედის მუნიციპალიტეტის საკრებულოს  
სამანდატო, საპროცედურო საკითხთა და ეთიკის კომისიის  
ოქმი N2

დაბა ქედა

20 თებერვალი, 2024 წელი

სხდომა დაიწყო 14:00 სთ-ზე

სხდომა დამთავრდა 14:30 სთ-ზე

სხდომას თავმჯდომარეობდა ვაჟა აბულაძე - ქედის მუნიციპალიტეტის საკრებულოს  
სამანდატო, საპროცედურო საკითხთა და ეთიკის კომისიის თავმჯდომარე.

სხდომას ესწრებოდნენ:

რეზო თურმანიძე - კომისიის წევრი;

ლევან ვერძაძე - კომისიის წევრი;

შორენა კარანაძე - კომისიის წევრი.

გოჩა გორგილაძე - კომისიის წევრი;

მარინა ბარამიძე - კომისიის წევრი;

დავით სირაბიძე - კომისიის წევრი.

სხდომას არ ესწრებოდა:

მამუკა გოგოლიშვილი - კომისიის წევრი;

სხდომას ასევე ესწრებოდა:








ქედის მუნიციპალიტეტის საკრებულოს აპარატის უფროსი - მუხრან სალაძე;

ქედის მუნიციპალიტეტის საკრებულოს აპარატის პირველი კატეგორიის უფროსი

სპეციალისტი კომისიებთან ურთიერთობის საკითხებში - ციური ზაქარაძე;

ქედის მუნიციპალიტეტის საკრებულოს სამანდატო, საპროცედურო საკითხთა და  
ეთიკის კომისიის წევრთა სარეგისტრაციო ფურცელი

20.02.2024 წელი

№	სახელი, გვარი	თანამდებობა	ხელმოწერა
1	ვაჟა აბულაძე	კომისიის თავმჯდომარე	
2	მარინა ბარამიძე	კომისიის წევრი	
3	მამუკა გოგოლიშვილი	კომისიის წევრი	
4	გოჩა გორგილაძე	კომისიის წევრი	
5	რეზო თურმანიძე	კომისიის წევრი	
6	ლევან ვერძაძე	კომისიის წევრი	
7	დავით სირაზიძე	კომისიის წევრი	დ.სირაზიძე
8	შორენა კარანაძე	კომისიის წევრი	



სხდომის თავმჯდომარემ დღის წესრიგი ჩამოაყალიბა შემდეგი სახით.

**დღის-წესრიგი:**

1. „„ქედის მუნიციპალიტეტის საკრებულოს აპარატის დებულების დამტკიცების შესახებ“ ქედის მუნიციპალიტეტის საკრებულოს 2017 წლის 25 აგვისტოს N13 დადგენილებაში ცვლილების შეტანის შესახებ“ ქედის მუნიციპალიტეტის საკრებულოს ნორმატიული ადმინისტრაციულ-სამართლებრივი აქტის (დადგენილება) პროექტი.

2. ქედის მუნიციპალიტეტის მერიის ზედამხედველობის სამსახურის ანგარიში 2023 წელს გაწეული მუშაობის შესახებ.

მოისმინეს: სხდომის თავმჯდომარემ განმარტა, რომ ქედის მუნიციპალიტეტის საკრებულოს 2024 წლის 26 იანვრის N:გ-95.95240264 განკარგულებით დაიწყო საჯარო ადმინისტრაციული წარმოება „ქედის მუნიციპალიტეტის საკრებულოს აპარატის დებულების დამტკიცების შესახებ“ ქედის მუნიციპალიტეტის საკრებულოს 2017 წლის 25 აგვისტოს N13 დადგენილებაში ცვლილების შეტანის თაობაზე. განკარგულების შესაბამისად დაინტერესებულ პირებს განსახილველ საკითხთან დაკავშირებით მოსაზრების წარდგენის ვადად, ქედის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიაში განისაზღვრა 2024 წლის 19 თებერვალი, დღის 18:00 საათამდე.

აღნიშნული საკითხი სამართლებრივი კონსულტაციისათვის გადაგზავნილი იყო (წერილის ნომერი: 95-95240173; წერილის თარიღი 17.01.2024) საქართველოს მთავრობის ადმინისტრაციის იურიდიულ დეპარტამენტში. მიღებული პასუხის თანახმად (წერილის ნომერი: N03-95240303-95; წერილის თარიღი 30.01.2024) საქართველოს მთავრობის ადმინისტრაციის იურიდიულ დეპარტამენტს საკითხთან დაკავშირებით სამართლებრივი ხასიათის შენიშვნები არ გააჩნია.

საკრებულოს აპარატის უფროსმა საკითხთან დაკავშირებით განმარტა, რომ წარმოდგენილი პროექტი საჭიროებს ტექნიკური თვალსაზრისით კორექტირებას, რის საფუძველზეც წარმოადგინა დადგენილების პროექტის კორექტირებული ვარიანტი.

კომისიის წევრებს საკითხთან დაკავშირებით შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა:

მომხრე: 7

წინააღმდეგი: 0

კომისიამ გადაწყვიტა:

მიზანშეწონილად ჩაითვალოს „ქედის მუნიციპალიტეტის საკრებულოს აპარატის დებულების დამტკიცების შესახებ“ ქედის მუნიციპალიტეტის საკრებულოს 2017 წლის 25 აგვისტოს N13 დადგენილებაში ცვლილების შეტანის თაობაზე“ პროექტის საკრებულოს სხდომაზე დამტკიცება დანართი N1-ის შესაბამისად.



მოისმინეს: სხდომის თავმჯდომარემ აღნიშნა, რომ 2024 წლის 13 თებერვალს ქედის მუნიციპალიტეტის საკრებულოში განსახილველად შემოვიდა (განცხადების ნომერი N:12-95240441-95; განცხადების თარიღი:13.02.2024) ქედის მუნიციპალიტეტის მერიის ზედამხედველობის სამსახურის ანგარიში 2023 წელს გაწეული მუშაობის შესახებ:

2023 წლის 01 იანვრიდან 31 დეკემბრის სამუშაო პერიოდში ჩემს მიერ შესრულებული იქნა თანამდებობრივი ინსტრუქციით, მოქმედი კანონმდებლობით, მერიის დებულებით, სამსახურის დებულებითა და მუნიციპალიტეტის სხვა სამართლებრივი აქტით განსაზღვრული დავალებები. მონაწილეობა მივიღე მშენებარე და რეკონსტრუქციაში მყოფი მცირე არქიტექტურული ფორმების, მშენებლობის პროცესში სამშენებლო სამუშაოების სისტემატიური და დროული ზედამხედველობის მონიტორინგში, სამშენებლო ობიექტების დროულად ექსპლოატაციაში მიღების, სამშენებლო საქმიანობის დადგენილი წესების დარღვევის ფაქტების გამოვლენასა და სხვადასხვა კომისიების მუშაობაში.

საანგარიშო პერიოდში მშენებლობის ნებართვის მისაღებად შემოსულ განცხადებებზე კანონით განსაზღვრულ ვადაში გაცემული იქნა 12(თორმეტი) სამშენებლო ნებართვა და მშენებლობისათვის მშენებლობის ვადის გაგრძელება.

სამშენებლო სამართალდარღვევის გამო დაჯარიმებული იქნა 8 (რვა) ფიზიკური და ერთი იურიდიული პირი სამშენებლო სამართალდარღვევის გამო, ხოლო სამ ფიზიკურ პირს მიეცათ წერილობითი გაფრთხილება შენობა-ნაგებობის დარღვევისათვის, რათა წარმოედგინათ სათანადო დოკუმენტაცია, რაც შესრულდა. ერთი ფიზიკური პირის მიმართ შედგენილ იქნა ადმინისტრაციული სამართალდარღვევის ოქმი და განსახილველად გადაიგზავნა ქედის მაგისტრატ სასამართლოში. მშენებლობის ნებართვის საფუძველზე აშენებული 6(ექვსი) ობიექტი მიღებულია ექსპლოატაციაში. გაცემულ იქნა 3 მითითება, 8 შემოწმების აქტი, 8 უწყება და გამოტანილ იქნა 9 დადგენილება სამშენებლო სამართალდარღვევის ფაქტებზე.

2023 წლის 24 თებერვალს მუნიციპალიტეტის საკრებულოს განკარგულებით (განკარგულება:გ-95, 95230552) დამტკიცებული იქნა ქედის მუნიციპალიტეტის მუნიციპალური ნარჩენების მართვის ხუთწლიანი გეგმა 2023-2027 წლებისათვის.

ჩატარდა კეთილმოწყობითი და დასუფთავების სამუშაოები შპს ქედის „კომუნალურსერვის“-ის სამსახურთან ერთად სისტემატიურად მიმდინარეობს პარკების, სკვერების ქუჩების, საფეხმავლო კიბეებისა და ტროტუარების დაგვა-დასუფთავება. ხდება ნაგვისა და საყოფაცხოვრებო ნარჩენების გატანა დაბა ქედისა და მუნიციპალიტეტის სოფლებიდან. იანვარ- თებერვლის თვეში თოვლის საფარისაგან იწმინდებოდა დაბის ქუჩები, საფეხმავლო კიბეები და ხორციელდებოდა მრავალწლიანი ნარგავების თოვლის საფარისგან გაწმენდა. გაიმართა დასუფთავების აქციები 22 მარტს წყლის რესურსების დაცვის საერთაშორისო, 21 აპრილს „დედამიწის დღესთან“ და 6 ივნისს „ გარემოს დაცვის საერთაშორისო დღესთან“ დაკავშირებით მუნიციპალიტეტის სამოქმედო ტერიტორიაზე. კერძოდ, დაბა ქედის, ზვარის დანდალოს ,დოლოგნის ,მახუნცეთის ადმინისტრაციულ ერთეულებში. სისტემატიურად ხორციელდება დანაგვიანებული უბნებისა და მდინარის სანაპიროების, ადმინისტრაციული ერთეულების ცენტრების დასუფთავება, სადაც მონაწილეობდნენ საჯარო მოხელეები, შპს„აიაპ-ს მუშაკები მოსახლეობასთან ერთად. აპრილის თვეში დედამიწის დღესთან



დაკავშირებით დაირგო ხე- მცენარეები დაბა ქედაში გამარჯვების პარკში, ხოლო მაისის თვეში კოსტავას ქუჩაზე დაირგო ყვავილოვანი მცენარეები შპს „კომუნალურსერვისი“-ს მიერ.

სისტემატიურად ხორციელდება დაზიანებული გარე განათების ქსელებისა და სანათი წერტილების აღდგენა მუნიციპალიტეტის ტერიტორიაზე.

შპს „წყალკანალი“-ს მიერ ტარდება საკანალიზაციო - სანიღვრე არხების დაზიანებული მონაკვეთების აღდგენა აღმაშენებლის, აბუსერიძის, აწჳესის დასახლების, რუსთაველის,სახოკიასა, ყ.შერვაშიძის ქუჩებზე. ხორციელდება სეპტიკების დაქლორვა და მიმდებარე ტერიტორიების დასუფთავება სარემონტო სამუშაოები ჩაუტარდა ქედა-შევაბურის, ზენდიდის, ორცვის სასმელი წყლის მაგისტრალებს. დაბა ქედაში სისტემატიურად ხდება არსებული სანიაღვრე არხების გაწმენდა

აპრილის თვეში აჭარის არ გარემოს დაცვისა და ბუნებრივი რესურსების სამმართველოს მიერ 2023 წლის გეგმიური საკითხის „ნარჩენების მართვის მდგომარეობის შესწავლის ფარგლებში განხორციელდა მონიტორინგი ქედის მუნიციპალიტეტში, მონიტორინგის დროს გამოვლენილი უნებართვო სამშენებლო ნარჩენები (პირველი მაისი, ცხემნა, კოკოტაური, მოსიაშვილიე), რომელიც მოსახლეობისა და შპს „კომუნალურსერვისი“-ს თანამშრომლებთან ერთად დასუფთავდა.

პერიოდულად ვანხორციელებ მუნიციპალიტეტის ტერიტორიაზე უსახური, ამორტიზირებულ ობიექტებზე ღონისძიებების გატარებას.შესწავლილ იქნა სოფელ ოქტომბერში ყოფილი საყოფაცხოვრებო შენობა-ნაგებობის (სამკერვალო) , მდგრადობა. შესწავლის შედეგად აღმოჩნდა, რომ შენობა-ნაგებობებზე ავარიულ მდგომარეობაშია და ექვემდებარება დემონტაჟს.აღებულ იქნა დაბა ქედაში რუსთაველისა და ღვინის ქარხნის მიმდებარე ტერიტორიაზე დაიშალა და გამონთავისუფლდა თვითნებურად დაკავებული საბოსტნე ტერიტორიები, უსახური საშეშეები, ნაგებობები.

სისტემატიურად ვმონაწილეობ მშენებარე მშენებლობების პროცესში, სამშენებლო ობიექტების დროულად ექსპლოატაციაში მიღებისა და სხვადასხვა კომისიების მუშაობაში.

ელექტრონული საქმისწარმოების სისტემის საშუალებით კანონმდებლობით დადგენილ ვადაში დროულად ვახდენდი რეაგირებას შემოსულ განცხადებებსა და წერილებზე პასუხების გაცემას.

ზედამხედველობის სამსახური საგანგებო მსჯელობის საგნად გახდის, როგორც სახელმწიფო სექტორის, ასევე კერძო მოსახლეობის მხრიდან საზედამხედველო კანონმდებლობით გათვალისწინებულ კანონდარღვევათა ყველა ფაქტს, მიიღებს კომპენტენციის ფარგლებში გასატარებელ ღონისძიებებს.

კომისიის წევრებს საკითხთან დაკავშირებით შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა:

მომხრე: 7

წინააღმდეგი: 0

კომისიამ გადაწყვიტა:

მიზანშეწონილად ჩაითვალოს „ქედის მუნიციპალიტეტის მერიის ზედამხედველობის სამსახურის ანგარიში 2023 წელს გაწეული მუშაობის შესახებ“ განხილული იქნას საკრებულოს მორიგ სხდომაზე.

კომისიის თავმჯდომარემ სხდომა 14:30 სთ-ზე დახურულად გამოაცხადა.


კომისიის თავმჯდომარე



ვაჟა აბულაძე

ოქმი შეადგინა:

საკრებულოს აპარატის პირველი  
კატეგორიის უფროსი სპეციალისტი  
კომისიებთან ურთიერთობის საკითხებში

  
ციური ზაქარაძე